



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : YAN CHAI HOSPITAL NO.2 SECONDARY SCHOOL

**學校名稱** : 仁濟醫院第二中學

**Name of Play 劇名** : P 圖遊戲

**Script writer 劇作者** : 陳嘉馨、袁鎧盈、馬申秋、徐紫櫻（學生）

**Synopsis 故事大綱：**

疫情期間，每人都必須戴著口罩出街，我們都習慣了不在意自己及別人的外貌。

主角（姜巧慧）剛巧是中一學生，在她上中學的第一天，在輕鐵月台認識了就讀隔離學校的男同學（潘峻一），漸漸對他產生好感，但始終沒有勇氣向對方表白。

直至半年後疫情終於過去，他們第一次不用戴口罩見面，峻一見到巧慧的樣子後便開始疏遠她。巧慧很傷心，她開始討厭自己醜陋的外表，於是她決定把 IG 所有相刪除，這時候，她突然在 IG 看到一個 P 圖 APPs 的廣告，說可以令她重拾自信，於是她下載了這個 APPs 並嘗試把自己的相 P 得皮膚光滑一點…



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

序

**Boss :** 呢個係你最後嘅機會！唔好唔記得你而家塊面係掌握係我手上...

**巧 :** (深呼吸) 呼...好，我簽。

【巧慧在重重的游說下，簽下了《永久員工合約》】

**Boss :** 歡迎加入我哋嘅大集團，跟我嚟啦。

**巧 vo :** 我一定會諗到辦法救返你地架！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

【早上，巧慧家中。】

爸： 又有變種個案喇...唉...睇黎呢個疫情有排都未搞得掂。

媽： 係囉...咁就差唔多三年喇...

【巧慧一邊食早餐一邊看電話，然後不小心把水倒瀉了。】

巧： 哎呀。

媽： 唉，好心你食野就專心 D 食啦！成日掛住睇電話，都唔知有嚟咁好睇。你仲唔食快 D？想第一日返學就遲到呀？

巧： 下...係喎...死喇！！咁晏架喇？

媽： 口罩呀！

巧： 係喎...

【巧慧急忙拿書包離開】

巧： 我出門口喇！

巧 VO： 睇新冠疫情嘅肆虐下，人人都戴住口罩生活持續左三年，大家都習慣對方有口罩的樣子，為了安全大家也甚少出來吃飯，所以只會偶爾在社交平台見到大家嘅真樣。

【早上，在輕鐵月台，眼見最後一班輕鐵正在埋站，巧慧趕緊衝上月台準備拿出八達通入閘，卻發現忘記了帶銀包出門口。】

【巧慧不知如何是好，這時隔離學校的一位男同學（峻一）看到此事發生，上前幫忙。】

巧： 死啦再唔上呢班車實遲到啦，個銀包喺邊，明明記得出門口嘅時候又擺㗎。

峻： Halo，我有咩可以幫到你呀？

巧： 我.....搵唔到個銀包。

峻： 我借錢俾你買飛啦。

巧： 多謝你呀！

峻： 快啲啦，架車埋站喇！

巧： 哦！

【巧慧急忙買票，峻一幫忙頂著車門。】

【巧慧終於能趕上該班輕鐵】



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

巧：（喘氣）真係唔該曬你呀。

峻：唔洗客氣。

巧：依？你係聖馬太中學嘅？即係我隔離學校？我可以點叫你呀？

峻：哦，你叫我峻一啦。你呢？

巧：我叫巧慧。

峻：巧慧。

巧：丫！係呀，聽日我還返錢比你丫。

峻：唔洗啦，好小事咋嘛。

巧：唔係咁好嘅...

峻：咁...一係我地聽日照係呢個時間喺月台等丫。

巧：好呀。

**【巧慧與峻一聊得很開心】**

巧 Vo：第二日同樣時間我哋喺輕鐵站見面，我還返錢比佢之後就一齊搭車返學。自此之後，我地經常都會遇到大家，我哋仲有講有笑添...雖然我對佢有好感，但係因為唔知佢點諗所以始終都冇行出第一步。

瑩：巧慧！

巧：阿瑩？

峻：你個 friend 呀？

巧：係呀。

峻：咁我唔阻你啦，聽日見啦！

**【峻一離開】**

瑩：（模仿峻一的語氣）咁我唔阻你啦，聽日見啦！

巧：喂呀～

瑩：（模仿巧慧的語氣）喂呀～

巧：玩夠未呀。

瑩：點呀，睇黎你地發展得唔錯㗎，快啲去同佢表白啦！

巧：你講咩呀！雖然我哋係成日見，但係都未真係好熟，我連佢 IG 都無。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

瑩： 都叫你進取啲架啦。

巧： 都唔知人地點諗。

瑩：（ 再次模仿峻一的語氣）咁我唔阻你啦，聽日見啦！咁都唔係鍾意你？唔鍾意你唔會日日同你一齊搭車啦。

巧： 其實有時係我等佢咋嘛。

瑩： 嘩！你睇下你個樣！鍾意人就去啦…

巧： 或者人地有女朋友呢…

瑩： 或者人地當你係佢女朋友呢！

巧： 你唔好亂講啦！

【遠處學校鐘聲響起。】

瑩： 快啲行啦！遲到喇！

巧 Vo： 半年之後，疫情終於過去，終於可以唔使再戴口罩喇…